

## MSM TERUS IMPORT GULA MENTAH DARI INDIA

**KUALA LUMPUR, JANUARI 23, 2020** – Pengeluar gula terkemuka Malaysia, MSM Malaysia Holdings Berhad (MSM) mengumumkan pembelian gula mentah daripada India, salah sebuah negara pengeluar gula terbesar di dunia bagi memenuhi keperluan suku pertama 2020. Gula mentah yang dianggarkan berjumlah 130,000 tan bernilai hampir RM 200 juta tersebut dijangka akan tiba melalui tiga penghantaran sekitar bulan Januari dan Februari.

“Pada tahun 2019, lebih 900,000 tan gula mentah telah diimport dari pelbagai negara pengeluar terbesar termasuk India. Kami akan terus mengimport gula mentah daripada negara-negara pengeluar terbesar seperti India, Brazil, Thailand dan yang lain di samping memastikan kos gula mentah tersebut adalah konsisten dengan NY#11 serta memilih pembekal gula mentah kami dengan teliti bagi menghasilkan produk gula yang berkualiti,” jelas Ketua Pegawai Eksekutif Kumpulan MSM, Dato’ Khairil Anuar Aziz.

India, Brazil dan Thailand adalah merupakan negara-negara pengeluar gula terbesar di dunia. Pengeluaran gula mentah India dilaporkan akan berkurangan untuk TK19/20 berikutan cuaca kering. Walaubagaimanapun, untuk TK20/21, pengeluaran India dijangka akan pulih berikutan kekerapan hujan di Maharashtra. Sementara itu, pengeluaran di Brazil pula diramalkan stabil. Walaubagaimanapun, pengilang-pengilang lebih berminat dalam pengeluaran ethanol memandangkan harga lebih memberangsangkan. Di Thailand, pengeluaran bagi TK19/20 telah berkurang disebabkan kitaran hujan yang sangat kurang di kawasan tanaman utama.

Di samping kos penghantaran yang kompetitif, gula mentah yang dikeluarkan dari India turut mempunyai kualiti yang setara. Ini telah memberikan nilai tambah dan kelebihan pada MSM dalam memastikan kemampunan bekalan gula mentah yang berkualiti tinggi untuk kilang-kilang penapisan serta pemantauan perolehan gula mentah yang lebih efisien sebagai strategi penambahbaikan operasi dan penjimatan, sekaligus meningkatkan kecemerlangan operasi.

Melangkah ke hadapan, MSM telah bersiap sedia untuk meneruskan perniagaan yang lebih mampan untuk jangka masa panjang di samping kekal kompetitif dalam pasaran tempatan dan antarabangsa. MSM juga komited dalam melaksanakan plan pertumbuhan strategik



untuk disiplin dalam perbelanjaan dan mendefinisi semula perniagaan melalui pembangunan produk-produk baru, peningkatan kecekapan operasi dan pengurangan kos penapisan, serta proses perolehan gula mentah yang lebih efektif.

**-TAMAT-**

#### **Maklumat MSM Malaysia Holdings Berhad (MSM)**

MSM Malaysia Holdings Berhad (MSM) adalah pengeluar gula bertapis terkemuka di Malaysia yang terlibat dalam pengeluaran, pemasaran dan penjualan produk gula bertapis di bawah jenama Gula Prai. Syarikat ini menjalankan perniagaan terutamanya melalui tiga anak syarikatnya, MSM Prai Berhad, MSM Perlis Sdn Bhd dan MSM Sugar Refinery (Johor) Sdn Bhd. Di samping itu, MSM juga mengendalikan syarikat logistik - MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.25 juta tan gula bertapis. Pada tahun 2018, MSM mengeluarkan sebanyak 964,739 tan gula bertapis, di mana 109,613 tan adalah untuk pasaran eksport. Ketika ini, MSM menguasai 59% majoriti syer pasaran domestik. Ditubuhkan pada 10 Mac 2011, MSM disenaraikan di Pasaran Utama Bursa Malaysia Securities Berhad pada 28 Jun 2011 dengan modal pasaran sebanyak RM 618.6 juta pada 31 Disember 2019. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produknya.

MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan pengedarnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari [www.msmsugar.com](http://www.msmsugar.com)

#### **Pernyataan Berpandangan Ke Hadapan**

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

#### **Untuk pertanyaan media, sila hubungi:**

**Siti Noorbaya Mohd Yunus**  
+603 2181 5018 ext. 137  
+6016 677 6118  
[noorbaya.my@msmsugar.com](mailto:noorbaya.my@msmsugar.com)

**Ahmad Izwan Osman**  
+603 2181 5018 ext. 154  
+6017 440 1027  
[ahmadizwan.o@msmsugar.com](mailto:ahmadizwan.o@msmsugar.com)